




太平御覽

百七十八




内閣文庫			
番號	漢	1842	
冊數	240 (178)		
函號	別	14	1





太平御覽卷第六百八十六



服章部三

冕 纓 弁

冕

說文曰冕大夫以上冠邃延垂旒統纒昔者黃帝初作冕

釋名曰祭服曰冕冕猶倪倪平直貌也玄上纁下前後垂珠有

文飾也

白虎通曰麻冕者何周宗廟之冠也十一月之時陽氣倪仰黃

泉之下萬物被施如冕前倪而後仰故謂之冕也所以用麻為

之者女功之始示不忘本不以皮及太石未有禮文之服也

又曰冕所以前後邃延者何示進賢退不能也垂旒者示不視
耶纒塞耳示不聽讒故水清無魚人察無徒明不尚極知下故
禮曰天子玉藻十有二旒前後邃延也

世本曰黃帝作旒冕

宋均曰通帛為旒冕冠之有旒應邵云周始垂旒也

三禮圖曰黃帝戴黃冕

周禮曰弁師掌王之五冕末裏延紐

冕延之服也紐小鼻貫所貫

五綵纁有

十二就

纁合五色絲為之垂之延之前後各十有二所謂邃延也就成也繩之每一匝而貫五采五十二旒則十二五也

又曰司馬掌王之服祀昊天上帝則大裘而冕祀五帝亦如之

六服周冕

享先王則充冕享先公射享則鶩冕祠四望山川則毳冕

祭社稷五祀則絺冕祭群小五祀則玄冕

禮曰有虞氏皇而祭周人冕而祭

皇冕屬益羽飾之

又曰諸侯冕而舞大武諸侯之僭禮也

又曰王戴冕璪十有二旒則天數也

又曰玄冕齋戒鬼神陰陽也

陰陽夫婦

又曰天子之冕朱綠藻十有二諸侯九上大夫七下大夫五士

三此以為文貴也

又曰魏文侯問於子夏曰吾端冕而听古樂則唯恐卧

鄭玄曰端玄衣

又曰君子端冕則有敬也

大戴禮曰古者冕而前旒所以蔽明黈纁塞耳所以捨听也書

曰王麻冕黻裳由賓皆齊鄭玄曰三十卿士邦君麻冕蟻裳入

即位蟻謂色也太保大史大宗皆麻冕彤服

傳曰齊士會帥師滅亦狄晉侯請于王以觀冕命士會將中軍

且為大傳

又曰公還及方城季武子使公治問問公起居公治公與公治

冕服以卿也固讓而後受公治疾聚其臣曰我死必無以冕服

歛非德賞也言公畏季氏而賞其使非以我有德

又曰王使詹桓伯辭於晉曰我在伯父猶衣服之有冠冕木土

之有本源民人之有謀主伯父若裂冠毀冠拔本塞源專棄

謀主雖戎狄其何有餘一人

論語云子曰禹吾無間然矣菲飲食而致孝乎鬼神惡衣服而

致美乎黼冕

又曰行夏之時乘殷之輅服周之冕

又曰麻冕禮也今也絕儉吾從衆

國語曰周襄王賜晉文公命晉文侯端委入太宰以王命之冕

服內史贊之三命而後即冕服

家語曰子路問於孔子曰有人於此披褐而懷玉如何子曰國無道隱者可也國有道則充冕而執玉

五經通義曰冕制柰何禮器曰冕旒長六寸廣八寸員前冕緇布在上五采組十二旒夏殷之冕如周制矣旒色異夏冕黑白赤組旒殷冕黑黃青組旒

應邵漢官儀曰周冕與古冕畧等周加垂旒天子前後垂真白珠各十二

蔡邕獨斷曰漢明採尚書皐絲及周官禮記以定冕制皆廣七寸長尺二寸係白珠于其端十二旒三公及諸侯九旒卿七旒

又曰祀天地明堂平冕

崔豹古今注云牛享問曰冕旒如繁露何也荅曰綴而下垂如露之繁多故曰繁露

摯氏決疑要注曰秦除六冕之制明帝漢明帝也永平中使諸儒案古文始復造充冕

符子曰龍逢諫桀曰臣觀君之冕非冕危召觀君之履非履亡春秋未有冠危石而不壓蹈春冰而不陷也陳壽蓋部耆舊傳曰郭賀拜荊州刺史明帝巡符到南陽侍見嗟嘆賜以三公之服黼黻旒冕勅去檐露冕使百姓見此衣服以彰其德

何法盛晉中興曰初中兵儀服不備又是旒飾以翡翠珊瑚珠
珠頤和奏舊冕十二旒皆用上今不能得玉可用白琥珀於是
始下太常治改

王智深宋記曰明帝詔曰朕以大冕郊祀天宗祀明堂以法冕
祀太廟元正大會朝諸侯以絺冕小會宴饗錢送諸侯臨軒命
王公以繡冕征伐不賓講武校獵

隋書曰六等之冕皆有黹纁黃錦為之其大如橘自皇太子以
下並犀導青纓

纓

說文曰纓冠系也緜系冠纓也

釋名曰纓頸也自上而下擊於頸也

禮曰玄冠丹組纓諸侯之齊冠也玄冠綦組纓士之齊冠也

又曰玄冠紫纓自魯桓公始也

傳曰石乞孟魘敵子路以戈擊之斷纓子路曰君子死冠不免

不使冠
在地結纓而死

漢書曰冠高山之冠飛羽之纓

又曰中軍字子雲濟南人上書請受長纓必霸南越王而致之
闕下乃使越王舉國內屬

又曰江充召見天臺宮

晋灼曰黃圖正林有天臺宮也

冠蟬纒步搖冠飛翾之

五

纒

張宴曰冠蟬纒小步則搖纒隨冠而動若鳥翾然

晋書曰石季龍子義陽公鑿時鎮關中役煩重役夫關右之和
其文冠李松勸諫文武有長髮者拔為冠纒餘以給宮人季龍
聞之大怒以其右僕射張離為雍州刺史以察之信然徵鑿還
鄴下收松下廷尉

後魏書曰李彪嘗使齊書大頭纒裾至腰張翾笑之曰北國士
大夫帽裾亦有等級不彪曰上士至胛中士至膝下士之徒蓋
髮而已

山海經曰拘纒之國一手把纒

管子曰桓公親郊管仲誦纒捷袵

孟子曰孺子歌曰滄浪之水清兮可以濯我纒楚詞亦同

莊子曰昔趙惠文王喜劍太子患之募左右孰能說王左右曰
莊子當能太子乃使人以千金奉莊子不受與使者俱往太子
曰吾王所見唯劍士蓬頭突鬣冠曼胡之纒短後之衣瞑目而
語難王乃悅之今大夫必儒服而見王事必大逆莊子曰請為
劍服又曰原子居衛正冠而纒絕殿衿而肘見言貧也
淮南子曰聖人見鳥獸鬣胡之制作縷纒之首飾

韓子曰鄒君好服長纓左右皆作長纓甚貴鄒君患之問左右
左右對曰君服之百姓亦多是故貴鄒君因先自斷其纓而出
國中皆不服長纓

說苑曰楚莊王賜群臣酒日暮燭滅乃有人引美人之衣者美
人援絕其冠纓告王趣火來視絕纓者王曰賜人酒使醉失禮
柰何欲顯婦人之節而辱士乎乃命皆絕去其冠纓

尉繚子曰天子玄冠玄纓諸侯素冠素纓自大夫以下皆皂冠
皂纓

後漢崔駰達指曰有事則褰裳濡足無事則攝纓整衿魏徐幹

齊都賦曰織纒細纓輕配蟬翼自尊及早項我元服晉陸

機詩曰冠冕無醜士長纓皆雋民

晉成公綏七唱曰瓊弁曜首玉纓

照目宋謝靈運七濟曰翠綾媚朱裳妍形

劉梁七舉曰華組之纓從風紛紜

弁

釋名曰弁如两手相合拊時也以爵常爲之謂之爵弁以鹿皮
爲之謂之皮以韎常爲之謂之常弁也

系本曰魯昭公作弁宋均曰非素弁也

五經通義曰皮弁冠前後玉飭

白虎通曰皮弁者何謂也所以法古至質冠之名也弁之為言攀也所以持髮也上古先賢服鹿皮取其文章也故禮曰三王共皮弁素幘爵弁何謂也其色如爵頭周人宗廟士之冠也周尚赤所以不純赤但如爵頭也

三禮圖曰爵弁士即君祭之服以祭其廟無旒常弁王及諸侯兵服也

三禮冠弁圖曰皮弁以鹿皮淺毛黃白色者為之高尺三寸春三月習大射冠之行事

輿服志曰皮弁與委貌同制長七寸高四寸制似覆枉前高廣後卑銳所謂夏之母追上音咩下音淮殷之章甫者也行大射禮群雍公卿諸侯大夫行禮者冠委貌執事冠皮弁衣都麻衣

董巴漢輿服志曰爵弁一名冕廣八寸長二寸如爵形前小後大其上似爵頭色有收持筭所謂夏收殷呪羽切者也祠天地五郊明堂雲翹舞樂人服之

詩曰淑人君子其帶伊絲其帶伊絲其弁伊騏毛長日也弁皮騏文弁也

又曰有匪君子克耳琇瑩會弁如星弁皮弁所會髮也

又曰有頰丘拜切者弁實維伊何

穀梁曰弁冠雖舊必加于首周室雖衰必先諸侯

家語曰諸侯皮弁以告朔于太廟卒朔然後服之以視朝漢

書曰韓延壽爲潁州太守令文季教官諸生弁執俎豆

又曰王莽初獻新樂於明堂太廟群臣始冠麟常之弁

魏志曰帝以楊彪故漢太尉使者鹿皮鹿冠辭讓不听竟着布

單衣皮弁以見

隋書曰新羅嘗遣使韓貢李子樞至朝堂與語因問其冠制所

曰其使者曰皮弁遺象安有大國君子而不失皮弁也子樞因

曰中國無禮求諸四夷使者曰自至已來此言之外未見無禮

憲司以子樞大詞奏刻其事竟坐免問曰何稠叅會今古多所

改創魏晉以來皮纒有纓而無笄尊稠曰此古田獵之服也今

服以入朝寔變制故弁拖象牙簪尊自稠始也

鄴中記曰石季龍宮婢數十盡着皂幘頭着神弁如今之禮先

冠也

太平御覽卷第六百八十七

服章部四

幘

帽

巾

接離

障日

幘

釋名曰幘績也下齊眉績然也

楊雄方言曰覆髻謂之幘巾或謂之承露或謂之覆髻皆趙孟之間通語也應邵漢官儀曰幘古卑賤執事不冠者之所服也徐廣輿服雜注曰天子郊廟則黑介幘

漢書曰武帝從館陶公主庖人臣偃昧再拜謁

後漢書曰劉盆子探得符後弃之復還依俠卿俠卿為制絳單

衣半頭赤幘幘巾所以覆髻也續漢書曰童子幘無屋示未成人也半頭幘即空頭幘也其上無屋故以為名董

仲舒繁路日以赤統者即尚赤盆子承漢統故用赤也東宮故事曰天子有空頂幘一枚即半頭幘之制也

東觀漢記曰光武初起與諸李市弓弩絳衣赤幘

又曰詔賜段熲赤幘大冠一具

又曰馬援外類儻蕩簡而內重事禮寡嫂雖在閨門必幘然後

見又曰馬援初見帝令中黃門引入上在宣德殿南簾下但幘

坐援曰陛下知臣非刺客姦臣而簡易若是

謝承後漢書曰巴祗字敬祖為揚州刺史黑幘毀壞不復改易

以水澡墨傳而用之

許慎說文曰澡洗也

續漢書曰許劭字子將劭知人入幘四拔樊子昭

袁暉漢獻帝春秋曰孫堅也糧東為董卓所攻衆少而不敵與

其驍騎潰圍得出常着赤蜀幘卓騎追堅七脫蜀幘令親近將

祖茂着之堅從間道得去

吳書曰顧悌字子通癩篤妻出省之悌命左右自扶起冠幘加

襲令妻還真潔不黷如此

晉書曰庾顛字子嵩性儉家富劉與說東海王越令就換錢千

萬莫其有吝因此可乘越於衆坐中間顛頽然已醉幘墮机

以頭就穿取徐荅云下宮家故有兩千萬隨公所取矣與於是
乃服越甚悅

又曰易雄字興長長沙劉陽人也少爲縣吏自念卑賤無由自
達乃晚幘掛縣門而去

宋書曰檀道濟數拒魏有功及誅憤怒氣盛目光如炬俄爾問
引飲一斛乃脫幘投地曰乃壞汝萬里長城

齊書曰卞彬字士蔚濟陰死晌人也祖嗣之中領軍父延之弱
冠爲上虞令有對氣會稽太守孟彭以令長裁之幘不能容脫
幘投地曰我所以屈卿者正爲此特耳今已投之卿以一世勲

門而傲天下國士拂衣而去

梁書曰謝舉臨川始興諸王常所遊踐邵陵王綸於婁湖立園
廣讌酒後好聚衆賓冠首自烈破投之唾壺皆敢聞命拂衣而
退王屢召不及甚有慙色

北齊書曰平秦王歸彥額骨三道着幘不安文宣見之怒使以
馬鞭擊其額血破面目尔反時嘗以此骨赫漢後歸竟彥反云
漢官儀曰謁者着緇幘大冠

司馬彪續漢書曰梁冀改易輿服之制柞平上輦厚幘狹冠也
衛宏漢舊儀曰凡齊紺幘耕青幘

周遷輿服雜事曰漢桓帝延熈中梁冀誅後京師作幘皆顏短耳長短上長下以為服舛

薰巴漢輿服志曰古者有冠無幘秦加其武將者飾為絳栢以長貴賤後稍作顏題漢興續其顏却結之施巾連題却覆之今喪幘是也至孝文乃高顏續為之耳崇其中為屋貴賤皆服之蔡邕獨斷曰漢孝帝額有社髮不欲使人見始進幘服群臣皆隨焉商無巾王莽額禿因施巾故里語曰王莽禿幘施屋傳暢晉公卿禮曰中書監令着介幘

晉事要書曰哀帝隆和元年大學博士曹弘之等議立秋應讀

令不應着緇幘改為素

英雄記曰公孫瓚字伯珪上計吏部太守劉基以事公車徵伯珪講衣平復御車洛陽身執徒養

張敬晉東宮舊事曰天子衣冠有空頂幘一

擊虞決疑曰允教曰蝕者皆著赤幘以助陽也侍臣皆赤幘帶劔于寶搜神記曰昔魏武軍中無故作曰帽此裘徵也初橫縫其前名之曰顏晉永嘉初乃去其縫名無顏幘其後二年四海分崩下人悲嘆以翡翠為幘

廣志曰交址蒼梧以翡翠為幘

董仲舒止雨書曰執事者赤幘由是言之知不著冠之所服也
裴啓語林曰晉明帝年少不論長微行詔喚人以衣幘迎之涉
水過衣幘不悉濕元帝已不重明帝忽復有此以為無不廢理
既入幘不正元帝自為正之明帝大喜

劉楨答魏文帝書曰南垠之金登窳窳之者貂揮之尾綴侍臣
之幘

魏武道令曰吾有頭病自先着帽幘待如服存時勿遺

陸雲輿兄書曰一日案行視曹公物有一介幘如吳幘帽

帽

釋名曰帽冒也

釋志曰楊阜字義山拜城門校尉嘗見明帝着帽披縹綾半袖
阜問帝曰此於禮何法服也帝默然不答自是不法服不以見
阜又曰管寧在家恒著皂帽布裙隨時單複

魚豢魏畧曰夬餘國以金銀飾帽

韋昭吳書曰朱然破魏將李典等軍斬首五百級得鼓車三乘
拜然左天司馬加賜御織成帽

又曰陸遜破曹休於石亭還上脫翠帽以遺遜

晉書曰王濛字神祖美容居貧帽敗自入肆買之姬悅其貌事

遺新帽

蕭方等三十國春秋曰石季龍將獵輒冠金鏤之帽

又陸翽鄴中記云季龍獵着金鏤織成合歡帽

宋書曰沈慶之隨宗愨等伐沔北諸山蠻大破之威宸諸山群
蠻皆稽顙慶之患頭風好着狐皮帽群蠻惡之號曰蒼頭公

又曰元凶劼至始生三日帝往視之簪帽甚堅無風而墜於劼
側上不悅

又曰何尚之大明二年以左光祿開府儀同三司侍中如故尚
之在象帝着鹿皮帽及拜門府天子臨軒百僚陪位沈慶之於
殿庭戲之曰今日何不着鹿皮冠

蕭子顯齊書曰東昏侯自造遊晏之服綴以花采錦繡群小又
造四種帽帽因勢為名一日山鵲歸林者曰詩曰鵲巢夫人之
德東昏寵嬖淫亂故鵲交姦二曰兔度坑天意言天下將有逐
兔之事也三曰又縛黃離嘯黃口小鳥也反縛之應也四曰鳳
凰度三橋鳳凰者嘉瑞三橋梁王宅處也

又曰永明中蕭湛聞博風帽後襲之製又為破後帽世祖崩後
建謀廢立誅滅諸王

又曰茹法亮吳興武康人也為前軍延昌殿為世祖陰室蔽諸

御高祖既位開陰室出世祖白妙帽防身力法亮戲欵流涕

又曰徐龍駒常在含章殿着黃綸帽披貂裘南向案代帝書
勅又曰豫章王嶷妃庾氏嘗有瘡瘰上幸嶷却後堂設金石樂
人畢至登桐臺使嶷着烏紗帽因極宴盡數

梁書曰到溉嘗夢武帝通見諸子至湘東而脫帽與之於是密
敬事屬

又曰初賀革之江陵也意甚不悅過別御史中丞江革以情告
之荅曰吾嘗夢主上遍見諸子往至湘東王所手脫帽以與之
此人後必富璧卿其行乎

又曰沙門寶誌忽重着布帽亦不知於何得之俄而武帝崩文
惠太子預章文獻王相繼夢

又曰鄧至國其俗呼帽曰災何

又曰倭國男女皆露髻富貴者以錦綉雜采為帽似中國胡公
頭又曰庾弘遠字士操清實有士荅仕齊為江州長史刺史陳
顛達舉兵敗斬於朱雀航將刑索帽着之曰子路纓吾不可以
不冠而死

又曰垣崇祖為豫州刺史魏攻壽春崇祖着白紗帽肩輿上城
決水破之

後魏書曰辛紹先有至性丁父憂三年口不甘味頭不擲水髮
遂落盡故常垂裙皂帽

又曰高昂轉司徒公好着小帽世因稱司徒帽

北齊書曰制宮內唯天子紗帽臣下皆絨帽特賜平秦王歸彥
紗帽以寵之

後周書曰獨孤信在秦州嘗因獵日暮馳馬入城其帽微側詰
旦而吏人有戴帽者咸暮信而側帽焉

隋書曰後周之着突騎帽如今胡帽垂裙覆帶蓋索髮之遺象
也又文帝項有瘤瘻不欲大見每常着焉相魏之時着而謁帝

故後周一代將為雅服小朝公宴咸許戴之唐書曰代宗時樊
民皂衫壓耳帽以異官健

西京雜記曰趙飛燕為皇后其弟在昭陽殿遺飛燕書曰今月
嘉辰貴肺懋膺大朋上遺金花紫綸帽以陳踴躍孟嘉別傳曰
嘉為桓溫叅軍九月九日溫遊龍山叅僚悉集時佐吏並戎服
有風吹嘉帽墮初不覺良久如廁溫命還之援孫盛紙筆稠之
置嘉坐處嘉還見之請筆即答四坐嗟嘆

幽明錄曰安開者安成之俗師也善於幻時術王疑之為江州
向王當行陽為王尉頭簪荷葉以為帽與王着當時亦不覺帽

之有異到座之後荷葉乃見舉坐驚駭王不知魏文帝與劉惔
書曰劉生帽裁製微不長有似里父之服孟達與諸葛亮書曰
貢白微帽一顏以示微意劉謚之下也賦曰頭戴鹿心帽足着
狗皮靴面傳黃灰滓髻搔蕪菁花男女四五人皆如燒蝦蟆
來哲近遊賦曰帽引四角之縫裙有三条之紋
又曰老公戴合歡之帽少年着蕞角之中

巾

釋名曰巾謹也二十成人上冠庶人巾當自謹修四教也
方言曰兩複結謂之中幘或謂之承露巾或謂覆髮巾也

續漢書曰鉅鹿張角自稱天師弟子數十萬人始起共皆着黃
金以相識別故世謂黃巾賊

後漢書曰光武徵鮑永永疑不至及更始亡乃發去上將軍列

侯印綬悉罷兵但幅巾與諸將諸河內

幅巾謂不着冠
但幅巾束有也

又曰何進袁隗欲特衣陳寔以不次之位寔謝曰久絕人事訪
巾持終而已

又曰曹操既犢嫌忌孔融令丞相軍謀祭酒路粹枉伏奏融云
烏位九列不遵胡議禿巾微行唐突宮掖

魏志曰諸葛亮出斜谷司馬宣王拒之堅壁不與戰亮致巾姻

婦人之飾以怒宣王

又曰華歆爲豫章太守孫策畧地江東歆知策喜用兵乃幅巾迎策蜀書曰諸葛武侯與宣王在渭濱將戰宣王戎服泣事使人視武侯乘輿葛巾毛扇指麾三命皆捷其進止宣王聞而嘆曰可謂名士矣

鄧粲晉書曰王孰欲伐甘卓遺使送大力

又曰謝萬字萬石簡文群爲從事中郎着白綸巾鶴氅裘版而前帝與談移日

沈約宋書曰陶潜在家郡將侯潛值其酒熟取頭上葛巾漉酒

還暴着之

梁書曰武帝賜陶弘景以鹿皮巾後屢加禮聘並不出

又曰賀德基少遊學郁下積年不歸衣資罄之又耻服故弊盛冬止衣袂襦袴嘗於白馬寺前逢一婦人容服甚盛乎德基入寺門脫白綸巾以贈之仍謂曰君方爲重器不久貧寒故以此相遺耳問姓名不荅而去

又曰武帝與點何有舊及踐祚子詔綸舊賜以鹿皮巾等召之點以巾揭引入華林園

又曰王僧孺遷尚書左丞俄兼御史中丞僧孺初貧其母鬻紗

巾以自業

後周書曰宣政元年初服常冠以皂紗為之加簪而不施纓其制若今之折用巾也

唐書曰張易之兄同休嘗請公王大臣於司禮寺因謂御史大夫楊再思曰公面似高麗請作高麗舞再思忻然剪紙自帖其中及紫袍遂作之

陸翹鄴中記曰皇后出女騎一千為鹵簿冬月着紫綸巾熟錦袴褶郭林宗別傳曰林宗嘗行陳梁間遇雨故其一角玷而折貳國學士着而莫不折其角云作林宗巾云其見儀則如此

傅子曰漢末王宮多以幅巾為雅是以表詔之徒雖為將帥皆着綸巾

張華博物志曰魏文帝彈碁能用手中時有一書生又能炫頭以所冠葛巾角微碁

羊祐與從弟護軍同年已朽老既定邊事當角巾東路鄉里

接離

郭璞注爾雅曰白露翹上有長翰毛江東取烏接離世說曰山間為荊州時酣暢人為之歌曰山公時一醉逕造高陽地日暮倒載歸酩酊無所知時復乘駿馬倒着白接離舉首謝葛強何

如并州兒高陽池在襄陽強是其愛將并州也

郭日

晉八王故事曰初趙王倫將篡位洛下童謠曰屠蘇郭日履商耳當有瞎兒作天子于時商農通着大裁郭日倫實眇日也孫楚謝曰賤曰大恩賜郭日其器雖小而禮過甚弘昔衛綰錫六劍珮而不用楚雖不敏且受而藏之

太平御覽卷第六百八十七

太平御覽卷第六百八十八

服章部五

貂蟬

簪導

白筆

帽

帽

恹頭纏

鬢

絕附

貂蟬

徐廣車服雜注曰蟬取清高飲露而不食貂取紫蔚溫潤而光彩不煒灼

又曰武官皆惠文冠本趙服也一弁武弁大冠凡臣加貂蟬愚謂北土寒涼本以貂皮煖附施於冠因遂變而或飾也

應劭漢官儀曰侍中金蟬左貂金取堅剛不朽蟬居高食潔貂
內勁悍而外溫蟬潤貂蟬不見傳記者因物論議子覽戰國策
乃知昔趙武靈王胡服也其後秦始皇破趙得其冠以侍賜中
高祖滅秦亦復如之末侍中皇權參乘問貂蟬當何法不知其
說復問帝震云不為災還宮左遷議郎

又曰中常侍秦官也漢興或用士人銀當左貂世祖以來專用
官者右貂金當

漢書曰燕刺王旦郎中侍從着貂羽黃金附蟬

又曰劉上向封事曰今王氏一姓乘朱輪華轂者二十三人皆

青紫貂蟬充盈幄中

又曰王莽篡位更漢書黑貂又黃貂又改漢正朔臘日太后命
其官屬黑貂至漢家正臘日獨與其左右相對飲酒食肉

晉書曰趙王倫篡位同謀者咸超階越次不可勝紀至於奴卒
廝役亦加以爵位每朝會貂蟬盈坐故時彥曰貂不足狗尾續
又曰劉聰破洛城將壞帝還平陽作赦書以六月十一日破洛
郡王十二束手軍問貂蟬羽葆以充王府

又曰阮孚字遙集為安東府參軍蓬髮飲酒不以王務嬰心後
拜散騎常侍性既嗜酒常以金貂換酒為所司所彈帝宥之

蕭子顯齊書曰侍中世爲親近職魏晉選用稍增華重宋文帝
元嘉中王曇首啟景仁等並爲侍中情任親密景仁與帝接膝
共語貂拂帝帝手按貂置案上語畢復手揮之曰王儉以朝儀
草創衣服制則未有定准議曰漢景六年梁王入朝中郎謁者
金貂出入殿門

左思魏都賦云藹々列侍金貂齊光比藩國侍臣有貂之明文
又曰張敬兒脫冠貂投地日用此物誤我

又曰武陵昭王曄武帝卽位歷中書祠部尚書至魏或言曄有
非常之相以此自負武帝聞之故無寵未嘗處方岳於御座曲

宴醉伏地貂抄因肉拌帝笑曰汗貂對曰陛下愛其順毛而疎
其肉骨帝不悅

又曰何楫爲侍中上欲轉戢領選問尚書令褚彥回以戢資重
欲加散騎常侍彥回曰宋時王球從侍中中書令單作吏部尚
書資與戢相似領選職方昔小輕不容頓加常侍聖旨每以蟬
是不宜過多臣與既已左珥若復加戢則八座便有三蟬若帖
以驍遊亦不爲少廼以戢爲吏部尚書加驍騎將軍

又曰江淹累遷祕書監侍中衛尉卿初淹年十三時孤貧常採
薪以養母曾於樵所得貂裘一具將鬻以供養其母曰此故之

休徵也汝才行若此豈長賤耶可留侍得侍中着之至是果知
母言又曰周盤龍為東平太守求解職見許還為騎常侍武帝
戲之卿着貂蟬何如兜鍪盤龍曰此貂蟬從兜鍪中生耳
梁書朱异除中書郎時秋日始拜有飛蟬止集异武冠士時咸
謂蟬珥之兆後果如其言

又曰王規為晉安王長史王立為太子仍為散騎常侍太子中
庶子侍東宮太子賜以所服貂蟬并降令書挽是舉也

又曰陸雲公善奕棊常夜侍坐武帝觀觸燭火帝笑謂曰燭燒
卿貂帝將用為侍中故以此戲之

後魏書曰神龜元年詔加女侍中貂蟬同外侍中之飾任城王
澄澄上表諫曰高祖世宗皆有女侍中官未見綴金蟬於象珥
極麗貂於鬚髮江南偽晉穆何后有女尚書而加貂璫此乃衰
亂之世姦望之服請依常儀追還前詔帝從之

鄴中記曰石虎征討所得婦女美色月餘選為女侍中肩貂璫
直皇后

劉楨荅文帝牋曰貂麗之尾桂侍臣之幘

潘岳興賦曰登春臺之熙珥金貂之頰也

成公綏七唱曰金璫煌煌貂珥俄俄也

孫楚會王侍中座上詩曰頭允君子時惟英邵玄貂左移華蟬
增曜

簪導

釋名曰簪連也所以冠於髮也導所以導擦髮髮伸入巾幘之
裏也或曰櫛髮以事名之也

服虔通俗文曰幘導曰簪

史記曰趙平原君使人於春申君趙使欲夸楚爲玳瑁簪春申
君客三千餘人上客皆玳瑁簪躡珠履趙使大慙也

又曰李斯尚書曰死珠之簪傳璣之珥

漢書曰上從館陶公主飲上日願謁主人公主乃下殿去簪珥

徒跣頓首謝自引董君董君隨主前伏殿下

又劉向裂女傳曰周宣姜后齊女也宣王帝晏起姜后脫簪珥
待罪於求巷也

又接幸傳曰景帝没人鄧通家財一簪不得着身燕書曰高祖
慕容廆晉安北將軍張華雅有人鑿鎮薊撫御諸部高祖童兒
往見華盛異之謂高祖曰君後爲命世之器臣難濟時者也脫
所着幘簪以遺高祖殷勤而別梁書曰羊悅家妓孫荆王能反
腰偽地銜得席上玉簪後魏曰胡太后幸闕口温水登鷄頭山

自射象牙簪一發中之

董巴漢輿服志曰太皇太后入朝服紺上皂下簪以瑇瑁為摘
長一尺端為華勝上為鳳凰爵以翡翠為毛羽下有白珠垂黃
金鐻左右各一橫簪之以安幘結諸簪珥

又曰公卿列侯中二千石夫人紺繒幘黃金龍首銜白珠魚須
長尺為簪

江表傳曰魏文帝遣使於吳求通犀簪群臣曰貢有常典魏所
求非法宜勿與孫權曰彼在諒聞之中而所求若此寧可復與
言禮皆備於付使

韓詩外傳曰孔子遊少原之野予有婦人史澤而哭夫子恠之
使弟子問焉婦人對曰向看剛耆薪而忘簪是以哀孔子曰剛
耆而忘簪有何悲焉婦人曰非傷忘簪吾所悲者不忘故也

淮南子曰楚將子發好伎道之士有善為偷者往見子發子發
禮之無幾何齊伐楚子發將帥當之兵三却齊師逾強於是善
偷則夜出取幘明夕取枕明夕又取簪悉歸之齊師大駭謀曰
今夕不去楚軍恐取吾首還師而去之故伎無能無簿在人君
用之也

鹽鉄論曰禹理水過門不入當此之時墮簪不顧

孰子橫洞冥記曰帝好微行於長安城西夜見一玉螭遊於路
董謁曰昔桀媚嬉末於添上以金簪貫玉螭腹爲戲弄金螭服
有金穿瘡安知非此耶

神仙傳曰左慈能分盃酒曹公聞試之慈投簪以盃杯即斷其
間相去數寸

幽明錄曰孫傳時南方遣吏猷簪吏過宮亭湖廬山君廟請福
下教求吏簪叩頭曰簪猷天子必乞哀念神云臨入石頭當相
還吏遂去達石頭有三尺鯉魚跳入舡吏破腹得之

吳均續齊諧記曰東海蔣潛嘗至不其縣於林野中見一死人
鳥來食之轍見一小兒長三尺許來馳鳥乃起去潛乃往看之
見有犀尊乃拔取衆鳥爭集無復馳者

夢書曰簪者爲身簪者己之尊也夢看好簪身歡喜班固與竇
牋曰將軍哀憐賜以玉躬所喜駭玳瑁簪絳單衣以魯鎬之質
被服鳶鳳之彩飾諸葛灰集詔荅恢日今送一犀尊小物耳然
是情發於中而寄乎物

班固與弟超書令遺仲叔璫瑁黑犀簪

西京雜記曰武帝過李夫人就取玉簪搔頭宮中効之玉賈倍
女漢饒歌有所思曲曰有思乃在大海南何以為問遺雙珠玳

瑁簪

白筆

魏畧曰明帝時嘗大會殿御史簪白筆側階而坐上問左右此何官侍中辛毗對曰此謂御史舊簪筆以奏不法今但備官耳徐廣車服雜注曰古者貴賤皆執笏有事則書之常簪筆今之白筆是其遺象

帟 苦洽切

服處通俗文曰帟幘曰帟

王隱晉書曰陳舒議至尊臨温公夫人表議曰今白帟深衣當

古弔服至尊臨弔謂深衣而已

崔鴻十六國春秋西京錄曰燉煌父老令熾夢白頭公衣帟謂熾曰南風動吹長木胡桐樵不中斲言訖忽然不見李歆小字桐樵至期而亡

南史曰何胤夢見神女二十許人並衣帟行列在前俱拜牀下覺又見之便命營函具既而瘞困不復瘳

後魏書曰宋遊道與頓丘李獎一面便善獎曰我年位已高會用弟扁佐史令弟北面於我足矣遊道曰不能既而弊為河南尹辟遊道為中正使相屬以衣帟侍之握手歡譁

潘京別傳曰陳耽初爲州主簿司空何次道恰偏岸謝耽頗恰有所弊也應聲報曰耽頗以蔽有明府岸以示無宜都山川記曰益水上有石室民駱都到室邊採蜜見一仙人裙衫白恰坐見都疑瞻不轉

傳子曰漢末魏太祖以天下凶荒資財乏匱擬古皮弁裁縑白以爲恰合乎簡易隨時之義以色別貴賤于今施行可謂軍容非國容也

世說曰陸云好笑着恰映水見影笑不能止

高惠文婦與惠文書曰今奉總恰收枚

帽

傳子云帽先未有岐荀文若巾觸樹成岐時人慕之因而弗改今通爲慶吊之服白紗爲之或單或袂初婚冠送餞亦服之後魏書曰大和中文明太后崩齊遣其散騎常侍裴昭明謝峻等弔欲以朝服行事主容不許昭明等執志不移孝文勅尚書李冲選一與識者更與論執冲奏遣成淹昭明言不听朝服行禮議出何典淹言玄冠不平童孺共聞昔季將行請遭喪之禮千載之下猶共稱之卿方謂議出何典何其議哉昭明言唯賁袴褶不可以弔幸借衣帽以申國命勅送衣帽給昭明等明日

引入皆令文武盡哀

後魏書裴植傳曰槽母夏侯道迂姊也性甚剛峻於諸子皆如嚴君長成後非衣幅不見小有罪過必束帶伏門經五三日乃引見之督以嚴訓唯少子衍得以常服見之

慘頭 取遙反

釋名曰慘鈔也鈔髮使上或謂之陌頭言其從橫陌而前也齊人謂之奄髮使上也

禮記王藻曰士練帶率不辟

士以下皆禫不合而經積如今作憚頭為之

東觀漢記曰連武中徵周黨着短布單衣韋皮慘頭侍見尚書

欲令更服黨曰朝廷本以是故徵之安可復更遂以見自陳願守之所志上听之

後漢書曰向栩河內朝歌人好為書生性卓詭不論恒讀老子狀如學道又似狂生好披髮着絳慘頭

吳越春秋曰句踐與妻入臣吳王衣獨鼻慘頭夫人衣無綠衣裳左開之襦以養馬

古詩曰羅敷好養蠶採桑城南隅少年見敷脫中着綃頭繁欽定情詩曰何以結相以金簿畫慘頭

太平御覽卷第六百八十八

太平御覽卷第八十九
服章部六
衣

白虎通曰衣者隱也裳者彰也所以隱形自彰蔽也

釋名曰衣者依也人所以庇寒暑也

爾雅曰衣梳梳音梳謂之視音霓衣縷也齊人謂之黼領謂之褌褌音褌

褌音褌文以襠領也緣謂之純衣綠祝謂之裳衣閉孔子也孔衣皆

謂之襟文領切居業謂之裾衣後衿謂之袿衿見切衣佩衿謂之

襜佩玉之執衽謂之結持衣袷音袷袷音袷袷謂之頤音頤衣蔽前謂

之檐今黼婦人之締謂之禕綏也即今之香纓禕耶交絡帶繫於体因名為禕繫也

裳削服謂之縹滿木切削收其幅深衣裳

世本曰胡曹作衣宗裏注曰黃帝臣也

易曰黃帝堯舜垂衣裳而天下治盖取諸乾坤上衣下裳乾坤之象

又曰訟卦上九或錫之鞶帶終朝三褫之象曰以訟受服亦不足敬也

書曰予欲觀古人之象日月星辰山龍華蟲作會宗彝藻火粉米黼黻締綉以五彩施彰于五色作服汝明

又說命曰唯衣裳存笥

禮曰夫為人子者父母純衣冠不純素孤子當室衣冠不純采綴純

又曰季康之母死陳襲者衣襲衣非上服敬姜曰婦人不飾不敢見

舅姑將有四方之賓來襲衣何為陳於斯命撤之

又曰孔子曰昔先王未有大化食草木之實鳥獸之肉飲血茹其毛未有絲麻衣其羽皮後聖有作治其絲麻以為布帛

又曰朝玄端夕深衣三祛謂大夫是也祛尺二寸縫齊倍要袷當旁袂可

以回肘長中繼袷尺袷二寸袂尺二寸緣廣寸半以帛禮布非禮也士不衣織無君者不二采衣正色紫間色非列采不入公

門振締統不入公門振裘不入公門襲裘不入公門續為繭緼

為袍禪為網帛為褶

又緇衣曰子曰長民者衣服不二從容有常以齊其民則民德

歸一左傳曰充冕散珽散常禪以蔽膝也珽五芴也帶裳幅舄帶華帶也衣下曰裳幅今

之行膝者鳥復履衡純絃紼衡持冠者純冠之垂者昭昭其度也藻率

鞞鞞藻率以帶之所以藉玉鞞鞞刀削上餘鞞下飾鞞厲游纓鞞紳帶也一名大帶之

馬膺昭其文也

又曰狄人伐衛也懿公與石祁子玆與甯莊子矢使守曰以此

贊國釋利而為之與夫人繡衣曰聽於二子取其文章

又曰變武子曰若教蚡冒筆路縷以啓山林若教蚡冒皆楚之先君筆路柴車一

盥縷弊衣也又曰吳季禮騁於鄭見子產如舊相識與之縞帶子產

獻紵衣焉

詩曰碩人其頌衣錦褰衣褰軍也尚以禪衣謂其文之大著

又曰縞文綦巾聊樂我員

又曰蜉蝣之羽衣裳楚楚蜉蝣之翼采衣服蜉蝣掘閱麻衣如雪

又曰青青子衿悠悠我心青衿青領也衿子之所服

又曰山有樞隰有榆子有衣裳弗曳弗婁

又曰緇衣美鄭武公也緇衣之宜兮敝予又改作兮箴大也

又曰衣錦褰衣裳錦褰裳

又豈曰無衣七兮不如子之衣安且燠兮
子之衣安且燠兮

又豈無衣與子同胞豈曰無衣與子同澤澤褻衣豈衣無衣與子

同裳又曰君子至止黼衣裳綉

又曰七月流火九月授衣一日鬻發二之日栗烈無衣無褐何以卒歲

史記曰文帝衣弋綈所幸慎夫人令衣不得曳地

漢書曰齊國有三服之官奉獻冠幘縱為首服純素為冬服輕綃為夏服

又曰韓信既平齊項羽使武涉說信背漢歸楚信曰臣事項王官不過郎中位不過執戟漢王與我上將軍印授我兵數萬解衣衣我推食食我夫人深親信我我皆之不祥雖死不易幸為信謝項王

又曰武帝末郡國賊盜群起暴勝之為直指使者衣綉衣持斧捕之又曰朱博為琅珊太守勅官屬多作衣襖大裙音紹裙也不中節度自令掾吏令去地三寸

又曰帝賜南溥王他上褚五十衣中褚二十衣褚二十以錦裝衣曰褚

上中下者綿之多少厚薄差

又曰江充初召見大臺官自請願以所常被服冠見上上許之

衮衣紗縠單衣曲裾後垂交輸如淳曰交割正橘使一頭狹狀若燕尾垂之兩旁見於後也

冠禪纚步搖冠飛融之服虔曰冠禪纚故行步則搖以鳥羽作纚也容貌甚壯

帝望而異之謂左右曰燕趙固多奇士

又曰雋不疑佩環玦褒衣博帶盛服至門謁暴勝之

又曰王吉字子陽好車馬衣服自奉養極為鮮明而廷所徒戴

不過囊衣天下服其囊而恠其奢世傳楊能作黃金

後漢書曰更始時授官爵皆群小賈堅膳夫庖人多着綉而衣

錦袴襜褕諸子罵詈道中時智者見之以為服之不中身之灾

也漢書音義曰諸子大掖衣也如婦人之佳衣楊雄方言曰襜褕其短者自閔之西謂之流裾郭璞注曰俗多裾掖據此即

是諸子上加綉裾如今之十臂也梳音充裾音屈

又曰光武見來歙大勸即解衣以衣之

又曰祭遵為人廉約家無私財常衣布袴寢布被夫人裳不加

緣又曰祭彤在遼東幾三十年衣無兼幅頭宗美其清約賜之

衣被什物無不悉備

又曰耿恭自疏勒回衣履穿决形容枯槁

又曰東平憲王蒼侍肅宗響衛士於南宮因從皇太后周行掖

庭池閣陰太后舊時器服愴然動容乃命留五時衣各一襲五時

衣謂春秋夏朱黃季夏秋
白冬黑也衣單複其曰襲

及常所御服合五十篋餘悉分布諸
王主及子孫在京師者各有差特賜蒼及琅邪王京書曰聞響
衛士於南宮因閱視舊時衣物惟王孝友之德今送光烈皇后
假髻帛各一疋衣一篋可時奉瞻以慰凱風寒泉之思又欲令
後生子孫得見先後衣服之製

又曰明德馬后身長七尺二寸方口美髮能誦易好讀春秋常
衣大練裙不加綠

大綠大帛也杜預注
左傳曰大帛厚謂也

朔望諸姬主朝請望見

後袍衣踈麓反以爲綺毅就視乃笑后辭曰此繒特宜深色故
用之耳六宮莫不嘆息

謝承後漢書曰素忠乘舡戴笠詣王即見郎左右種從皆着青
絳衣非其奢麗即辭疾發而退也

又曰郭賀拜荊州刺史有珠政顯宗巡狩到南陽特見嗟嘆賜
以三公之服黼黻冕旒勅行部去幘幘令百姓見其容服以彰
其德魏志曰文帝詔曰三世長者知被服五世長者知飲倉此
言被服飲食難曉也

又曰明帝徵管寧爲先祿勳辭不就詔問青州刺史程喜寧守
節高平審瘼庭頓邪喜上官寧恒着皂帽布襦袴布裙時單複
出大閨庭能自拄杖不須扶持四時祭祀輒自力強改加衣服

加衣服着綿巾故在遼東所有白布單衣親薦履跪拜成禮
魏畧曰文昭甄后以漢光初五年十二月丁酉生每寢寐家中
髣髴見有人持玉衣覆其上者常共怪之

魏氏春秋曰王允爲吏部郎中選郎守明帝疑其所用非次召
入將加罪允妻阮出謂曰明主可以理奪難以情求允領之而
入帝怒詰之允對曰綦郡太守雖限滿文書先至年限後在月
限在前帝取事視之乃釋遣出望其衣敗曰清吏也

吳書曰孫權每賜周瑜衣寒暑皆白領諸將皆不及

晉書曰石崇以奢豪矜物厠常有十餘婢列侍置香粉有客如
厠皆易新衣而出客多羞晚故而王敦脫故着新意氣無作婢
相謂曰此必能作賤

又曰高士郭文字文舉河內軹人也洛陽陷奔吳居大辟山恒
着鹿裘葛巾餘杭令顧颺與葛洪造之颺使致韋衣不納使置
室中乃爛於內竟不服用

王億晉書曰董威輦不知何許人忽見洛陽止宿白社中於市
得殘許繪輒結以爲衣兮曰百結衣

宋書曰沈慶之領隊防東掖門劉湛被收之夕上開門召慶之
慶之戎服履靺縛袴入上見而驚曰卿何意乃尔急裝慶之曰

夜半喚隊主不容換服

又曰明帝體肥憎風夏日常着小皮衣

又曰明帝瘖召褚彥回入帝坐帳中流涕曰吾近危篤故召卿
欲使着黃羅來可切耳指林頭大函曰文書皆函得不復開彥回
亦悲不自勝黃羅襪乳母服也

又曰范曄惟精微有思致觸類多善衣裳器服莫不增損制度
世人皆法學之

又曰江湛字微深為吏部尚書家甚貧不營財利餉饋盈門一
無所受無兼衣餘食嘗為上所召遇澣衣稱瘖經曰衣成然後起

又曰謝超宗為義興太守昇明二年公事免詣東府門自通其
曰風寒高帝謂四座曰此客至使人不衣自煖矣

齊書曰宋元嘉制諸王入齊閣得白服裾帽見人主唯自大極
西廂乃備朝衣車駕幸其第乃白服烏紗帽以待宴焉至於衣
服制度動皆陳啓事無專制

又曰高帝即位後賜手詔張融衣曰見卿衣服粗故誠乃素懷
有本交爾藍縷亦虧朝望今一送通故衣意謂雖故乃勝雜也
是吾所著已令裁減稱卿之躰并履一量

又曰陶弘景求明十年脫朝服桂神武門上表辭祿詔許之

又曰王思遠立身簡潔諸客詣已者覘知衣服垢穢方使不前形儀新楚乃興促膝雖然後及去之後猶令二人交帚拂其坐處又曰王琨性儉約景和中討義陽王昶六軍誠嚴應雖紫服在匣不須更掣檢取果得焉

梁書曰到慨性率儉不好聲色庭室單牀傍無姬侍冠履十年一易朝服或至穿補
又曰波斯婚姻法一聘財訖女婿將十人迎婦婿着金縷錦袴戴天冠婦亦如之

又曰新羅呼其冠曰遺子禮襦曰尉解袴曰柯半靴曰洗百濟呼帽曰冠襦曰複衫袴曰禪

又曰張嶷音威稷之子也稷初爲剡令至嶷亭生之因名嶷字四

山少敦孝行年三十歲餘猶班衣受稷杖動至數百收淚歡然

又曰胡絹胡貴切隨陳伯之入魏時元會絹戲爲詩曰帽上着籠

冠袴上着朱之不知是今是不知非昔非

又曰何敬爲吏部尚書侍中領太子中庶子敬容身長八尺曰

誓美鬚眉性矜莊衣冠鮮麗武帝雖而左右衣必須潔嘗有侍

臣衣帶卷褶帝怒曰卿衣帶如繩欲何所縛敬容希旨故益鮮

明帝以膠清刷鬚衣裳不整伏牀慰之或暑月皆爲之燹

又曰任昉有不東皇西華南容北叟西華冬月着葛帔練裙其事

交支部又曰助烏義興太守友人彭城到溉洽從昉共烏山澤遊

及彼代登舟止有絹七疋米五石至都無衣鎮軍將軍沈約遺

裙衫迎之

後魏書曰樂浪王萬壽孫忠明帝時位太常少卿孝武帝汎舟

天泉池命宗室諸王倍宴忠愚而無智性好衣服着紅襦綉作

領碧納袴錦為綠帝謂曰朝廷衣冠應有常式何為着百戲衣

忠曰臣少來所愛情在綺羅歌衣舞服是臣所願帝曰人之無

良乃至此乎

又曰胡叟於高允館見中書侍郎李璨被華麗叟貧老衣褐璨

頗忽之叟謂曰老子今若相脫体上袴褶衣帽今欲作何許也

譏其唯做盛服璨惕然失色

又曰文宣囚元詔於京畿地牢絕食啣衣袖而死

北齊書曰尔朱敬字乾羅彦伯之誅敬小隨母養於宮中年十

二敬自竇走至大街見童兒群戲敬解所着綺羅金翠服異衣

而遁追騎至不識敬便執綺衣而比寃問知非會曰已暮由是

免陳書曰徐陵為吏部尚書精簡人物縉紳之士皆饗焉陳暄

以玉冑簪挿髻紅絲布裏頭袍揣踝靴至膝不陳爵里直上陵

去婦使持還

中妻王
裙女也

傳語云衣不經新何由而故桓大笑而着

之又阮宣子論鬼神有無或以人死有鬼阮子獨以為無曰今見者云着生時衣服若人死有鬼衣服亦有鬼乎

孝子傳曰老萊子年七十父母猶存萊子常服班襴衣為嬰兒戲曹肇傳曰明帝寵愛肇與帝戲賭衣物有所獲輒入御帳服之遙親狎如此

襄子曰耆舊記曰王昌字字公伯為東平相散騎常侍早卒婦是任城王曹子大女昌弟式字公儀為渡遼將軍長史婦是尚書令桓皆女昌母聰明有典教二婦入門皆令變服下車不得

踰侈後皆子嘉尚魏主欲金縷衣見其式服嘉止之曰其嫗嚴固不忻善耳不須持往犯人家法

列仙傳曰道士徐延年平陽人也見人持新黃羅衣云延年五日夜半夜月如舊新五憶萬人登仙也

古艷歌曰莞_匕白兔東走西顧衣不如新人不如故

離騷屈原曰新沐者必彈冠新浴者必櫛衣

太平御覽卷第六百九十

服章部七

衮衣

鷩衣

毳衣

絺衣

縠衣

玄衣

綌衣

綌音推

闕翟

鞠衣

展衣

展涉檀切

祿衣

祿通貫切 衿衣

朱衣

衮衣

說文曰衮天子享先生卷

音

龍繡於下幡一龍幡阿上嚮

釋名曰衮卷也畫卷龍於衣也

書曰帝曰予欲觀古人之象

孔國曰欲觀象衣法服制

日月星辰山龍華蟲

日月星為三辰華象草華虫雉也會會五采也以五
辰三辰山龍華虫於衣服施旌旗米成此五焉宗廟

彝尊亦以山龍藻火粉米黼黻締綉藻水草有文者火為大字
華出為飾粉若粟米若聚米黼若斧

形黼為兩已相皆葛之精以五彩彰施於五色作服汝明
者曰締五色備曰綉也以五彩明

施五采作尊卑尚書大傳曰山龍青華蟲黃作績黑宗彝白藻
服汝制之也

火赤天子五服

詩曰九罭之魚鱗魴我覯之子充衣繡裳

又曰君子來朝何錫予之雖無子之路車乘馬又何予之玄充

及黼又曰充職有闕仲山甫補之

左傳曰諸侯伐楚許男斯卒于師也諸侯薨於朝會加一等死

王事加等於是以致葉衣公服也
謂加二等

禮曰有以大為貴者天子龍卷諸侯黻士玄衣纁裳郊特牲曰

祭之日王被充以象天戴冕藻十有二旒則天數也

又明堂位曰充冕止於阼

周禮春官上司服曰王之吉服享先王則充冕

又夏官下曰節服瓜掌祭禮朝覲充冕六人維王之常鄭玄
曰服

冕省從玉服也維維之以縷王旒十二旒
兩兩以縷綴連其旁三人侍之禮天子旌也

儀禮覲禮曰天子充冕負斧扆

漢書曰韋孟詩云肅肅我祖家自豕常充衣朱黻四牡龍旂

後漢記曰姚襄夢第養上御座着充服謂官屬曰此見或能大
起吾族齊書曰陸澄兼左丞秦始皇六年詔皇太子朝賀服充冕
九常澄與議曹卽丘仲起議服冕以朝宴着經文除秦六冕漢
明還備魏晉已來不欲令臣下服冕故位公者加侍官今皇太
子禮絕群臣宜遵聖王盛典革近代之制

唐書曰代宗特渤海質子盜充龍服捕得之詞云慕中國衣服
上赦之

董巴漢輿服志曰上古衣毛而冒皮後世聖人爲之以絲麻觀
翬翟之文榮華之色乃染帛以効之始作五采成以為服黃帝

堯舜垂衣裳蓋取諸乾坤有文故上衣玄而下裳黃秦以戰國
郡天子位滅去體學郊祀之服皆以初玄漢承掌故至顯示初
服冕旒文章以祀天地養三老五更於三雍三公九卿郊祀天
地明堂皆冠冕垂旒衣裳玄上纁下乘輿備文日月星辰十二
章三公誦侯用山龍九章九卿以下用華蟲九章皆五采衣裳
乘輿刺史公侯九卿已下皆織成陳留襄邑獻之

續漢輿服志曰聖人處天子位服日月昇龍所以福其德彰其
功也賢人佐聖封國愛民黼黻文綉降龍所以顯其仁光其能也
環齊要畧曰天子龍冕諸侯黼大夫白與黑謂之黼黑與青謂

之黻青與赤謂之文赤與白謂之章五色備謂繡諸侯去日月星辰服山龍華蟲卿大夫去龍華蟲服藻火服粉米擊虞次疑要注曰秦除充冕之制唯為玄衣絳裳一具而已漢興亦如之興後明帝永平中儒諸侯儒案古文依圖書始服造充冕之服至于今用之

敕梁傳序曰一字之褒賞逾華充片言之貶誅深斧鉞六韜曰昔帝堯王天下黼衣經履不弊盡不更為也

傳子曰魏明帝疑三公充冕之服似天子減其采章

陳留風俗傳曰襄邑縣南有渙水有雒水傳曰雒渙之水出文

章故有黼黻藻錦日月華蟲以奉天子宗廟御服焉

鷩衣

釋名曰鷩衣山雉也鷩慤并列切也性急慤不可生必自殺故畫

其形於衣以象人執耿介之節也

周禮春官上司服曰王之吉服享先公饗射鷩冕鄭玄曰先公謂后稷之後

也饗射饗食及與諸侯射也鷩益以雉也

三禮圖曰鷩冕服者王祭先公及享射之服也以朝天子助祭玄衣纁裳以華蟲火宗彝三章益以為幘裳藻粉米黼黻四章繡以為繡凡七章

毳衣

釋名曰毳芮也畫藻文於衣象水草之毳芮溫暖而潔也

詩曰大車檻之毳衣如茨

毳衣大夫之服茨雉也芴之初生者也古者天子大夫服毳冕以巡行

大車噶噶

也毳音門 毳衣如璫 璫頓也

周禮春官上司服曰王之吉服祀四望山川則毳冕

鄭玄曰冕其衣三章

裳三章也 三禮圖曰毳冕王祀四望山川服也子男服以朝天子

絺衣

周禮春官上司服曰王之吉服祭祀則絺冕

鄭玄曰絺或作綉字之謀也綉刺粉

米先 絺也

玄衣

詩曰緇衣美武公之德父子並為周司徒善於其職國人宜之

緇衣之宜兮弊予又改為兮

緇衣黑色上卿听朝之正服也

周禮春官上司服曰王之吉服祭群小祀玄冕

鄭玄曰群小祀林澤墳衍四方

百物之厲也玄者衣無文裳刺黻而已凡冕服玄衣纁衣也

禮玉藻曰天子玄端而朝日於東門之外

鄭玄曰端當為冕字之誤朝日春分時也

魏臺訪議曰禮天子大夫玄冕而執鴈今袂中二千石六百石

者可使玄冕而執鴈

縗衣

釋名曰王后之上服縗衣畫翬雉之文於衣也伊洛而雉青質

五色權曰暈也

周禮春官上司服曰內司服掌王后之六服禕衣王后之服刻

而朱登之綴於衣祀王祭先王則服禕衣也

禮明堂位曰夫人副禕立於房中鄭玄曰副昔斲也今之步推

服為副禕王后之上服唯魯及王者之後夫人服之諸侯夫人自禕翟而下也

又曰祭義曰歲既單世婦獻繭於夫人副禕而受之

董巴漢輿服志曰太皇太后太后服紺上皂下后謂廟服白上

皂下皆深衣徐廣云深衣即單衣也公卿列侯中二千石夫人入廟佐祭

者服皂絹上下皆深衣制

稷天子傳曰吉日戊午天子大服冕冕冠禕衣王后之上服今帝服之未祥也授河

宗璧 禕狄

釋名曰搯翟畫鷄雉之文於衣也江淮而南雉素質立米皆備

成章○周禮天官下內司服曰內司服掌手后之六服禕狄鄭玄

曰禕狄親羽飾也○三禮六服圖曰禕翟王后從王祭先公之

服也侯伯之夫人服以從君祭廟

闕翟

釋名曰闕翟剪闕繒為翟雉形以綴衣也

詩曰委委蛇蛇象服是宜義曰象服者謂禕狄闕狄也

周禮天官下內司服曰內服掌王后之六服闕狄鄭司農曰六狄闕狄也歸也鄭玄曰闕狄刻而不盈者也此三者皆祭服玄謂今世有袷衣者蓋三狄之遺蒙也以推次其色闕狄赤也

三禮六服圖曰闕翟王后從祭群小祀服也亦子男夫人服以從君祭宗廟

鞠衣

釋名曰鞠衣如菊花色也

周禮天官下內司服曰內司服掌王后六服鞠衣鄭司農曰鞠衣黃桑服也

色如鞠座像桑葉始生三皇六服圖曰鞠衣王后桑之服也孤之妻服以

從助君祭○董巴漢輿服志曰太皇太后皇太后蠶服青上縹

下深衣制貴人助蠶服純縹上下深衣制公卿列侯中二千石

夫人助蠶服縹絹上下深衣制自二千石夫人以上至皇后皆

以蠶衣為朝服

徐廣輿服雜注曰晉先蠶儀注皇后衣純青之衣特進卿世婦

二千石命婦世蠶賜青絹上下

展衣

周禮天官下內司服曰掌王佐之六服展衣展衣白衣

三禮六服圖曰展衣王后以禮見王及賓客之服也卿大夫之

妻以從取君祭釋名曰禮展字或作此坦也然正白無文采也

祿衣

釋名曰祿衣祿然黑色也

詩曰邛栢舟祿衣曰綠兮衣兮綠衣黃裳

綠間色黃正色義云綠兮衣兮綠衣自有

禮則也諸侯大夫祭服之下鞠衣為上展衣次之衆妾亦有貴賤之等服鞠衣黃展衣白綠衣黑皆以素紗為裏非其制故以

踰安上 綠兮衣兮綠衣黃裳 義云婦人之服不殊亦裳同色今替焉

周禮天官甸司服曰甸司服掌王后六服綠衣素紗

袵衣

三禮圖曰傳母婚禮從者袵衣古者傳母選無夫與子而者曉

習婦道者使之應對也

朱衣

應劭曰漢官儀曰虎賁中郎衣紗轂單衣

續漢制同晉今絳紗轂

東觀漢記曰光武起義衣絳單衣赤績初伯升之起諸家子弟

皆曰伯升殺我及見上絳衣大冠乃驚曰謹厚者亦復為之

晉義熙起居注曰安帝自荊州至新亭詔曰諸侍官戎行之時

不備朱服悉令袴褶從也

宋元嘉起居注曰治書侍御史朱興啓彈朝請向騰之坐同僚

會故負外散騎侍郎楊珉之喪侍兵唱變服然後唱衆官下陪

位而騰之着單衣在朱衣上於禮有虧請免所居官詔可

齊書曰呂安國為右衛將軍加給事中後改封湘鄉侯武帝即位累迁光祿大夫加散騎常侍安國欣有文授謂其子曰汝後勿袴褶馭使單于猶恨不稱當為朱官也

神異經曰西荒有一人不讀五經而意合不觀天文而心通不誦紀律而精當天賜其衣男朱衣縞帶委貌冠女碧戴金勝皆無縫○墨子曰楚莊王縫衣博袍

語林曰何平叔面絕白魏文帝疑其着粉夏日喚與熱餅既敢大汗出以朱衣自拭色轉皎然時常信之

班彪便宜事曰可選師傅將相子孫有行好學者以備絳衣舍人班固與豆憲牋曰將軍哀憐賜固于迹若以中軍宜鮮明乃賜以璫瑁簪縫紗單衣

太平御覽卷第六百九十

